



Hmong District Update

Winter 2009

Thawj Tsaavxwm Kev Xaa Xuv

Lub caij Christmas lug txug lawm, thov Vaajtswv foom koobmoov zoo rua mej txhua tug kuas tau lawv le cov Timtswv Ceebtsheej tau foom nyob huv Lukas 2:14.

Uake nuav kuv thov xaa kev nojqaab nyob zoo rua mej txhua tug kws ntseeg Vaajtswv hab thov ua mej tsaug kws mej siv zug paab HKM moog rua qhov zoo ua rua peb ua tau Vaajtswv teg dlejnum txhua yaam lawv le lub homphaj kws tau kom tseg.

Kuv thov ua tsaug rua txhua kis nyaj kws mej xaa tuaj rua HKM. Vim mej hlub Vaajtswv, mej txhaj qee quas zog mej tej nyaj txag tuaj ua Vaajtswv teg num. Cov nyaj general fund kws tau lub 1 hlis cob rua 10 hli taag muaj le nuav:

Nyaj HKM

Tau lug	\$540,099.36
Siv tawm	\$415,834.94
Tshuav	\$124,264.22

Nyaj GCF

Jan-Oct \$511,608

Kx. Nom Lwm Kwm
Thawj Tsaavxwm HKM

Thov kuas Vaajtswv tug kws nyob sau ntuj ceebtsheej tau koob meej, hab thov kuas cov tuabneeg kws nyob huv nplajteb txhua tug kws ua hum Vaajtswv sab tau nyob kaaj sablug! Lukas 2:14

Dlejnum HKM

Xwbfbw Roj Cobqha

Xwbfbw Roj Cobqha xyoo 2010 yog npaaj rua Colorado Springs, CO kws yog June 1-4. Ibqhov tseemceeb kws cov xwbfbw yuav thaam zag nuav yog tej teebmeem kws pawg ntseeg muaj. Thov mej txhua pawg ntseeg npaaj budget rua mej tug xwbfbw tuaj koom kuas tau.

Kev Tsawbkws

Koomhum Qebsab yuav hloov kevcai lijhcoj yog has tas tug xwbfbw twg yuav ua xwbfbw tag nwg yuav tau tsawbkws. Yog nwg tsi tsawbkws nwg yuav ua tsi tau dlejnum qeeyaam. Yogle ntawd, cov xwbfbw kws tsi tau tsawbkws yuav tau tsawbkws sai txhaj tsi muaj teebmeem rua nwg kev ua dlejnum yaav pegsuab. Thov mej txhua pawg ntseeg kws muaj tug xwbfbw kws tsi tau tsawbkws yuav tau sau ntawv rua HKM sai hab peb yuav npaaj kev tsawbkws rua puab.

Phoo Nkauj

Phoo NKauj kws khu dlua tshab tub khu yuav tav. Xyoo 2010 nuav yuav tau koj moog luam. Thov suavdlawg paab thov Vaajtswv rua teg dlejnum nuav kuas ua tav lawv le lub homphaj. Dr. Xeev Ntxawg Xoom yog tug saib teg dlejnum nuav.

Roj Saablaaj Txwm Xyoo 2010

Lub 10 hlis taag lug nuav, cov Tsaavxwm HKM tau saablaaj hab pum zoo siv lub ntsablug tas "Jesus Only" lossis "Tswv Yexus Tuableeg Xwb" rua lub roj saablaaj txwm xyoo 2010.

Lub chaw saablaaj yog nyob rua Grand Hyatt Tampa Bay, 2900 Bayport Drive, Tampa, FL 33607 kws yog June 27-July 2, 2010.

Cov xwbfbw yuav tuaj qhuabqha yog Kx. Txawj Teev Vaj, Kx. Xeev Neeb Hawj, Kx. Ntxoov Xeeb Yaaj, Kx. Nom Xyooj Hawj, Kx. Tsaav Nyaj Kwm, Kx. Ntshab Ntxawg Xoom, Kx. Txawj Teev Vaj hab Kx. Nom Lwm Kwm.

Xyoo nuav peb yuav muaj xaivtsaa ntau lub meejmom, tshwjxeeb yog Thawj Tsaavxwm. Ncu ntsoov thov Vaajtswv pub rua qhov nuav.

SALT 2010

SALT 2010 yuav muaj nyob Maranatha Bible Camp, Northplatte, NE. Sijhawm yog August 1-6, 2010. Thov npaaj mej cov tub ntxhais hluas kws muaj noobnyoog 18 xyoo rov sau tuaj koom kuas tau. Ncu ntsoov thov Vaajtswv rua cov kaavxwm SALT, vim puab yuav tau siv sijhawm ntau heev txhaj yuav npaaj tau lub roj saab laaj nuav.

Moog Short-term Missions

Cov Tsaavxwm HKM yuav moog saib cov tub xaa moo zoo rua saab Asia. Puab yuav moog lub 2 hlis nubtim 22 hab moog txug rua lub 3 hlis nubtim 13, xyoo 2010.

Uake nuav cov Namtsev los kuj yuav moog saib cov missionaries rua Thaibteb hab. Thov suavdlawg thov Vaajtswv pub rua puab.



Kev Khu Vaajlugkub

Kx. Nyaj Looj Yaaj tau siv zug khu phoo Vaajlugkub lawv le lub homphaj kws tau npaaj tseg. Taamsim nuav Kx. Nyaj Looj tub khu tav ntau phoo lawm. Thov suavdlawg paab thov Vaajtswv pub rua nwg kev khu Vaajlugkub.

Cov Khu Tav Lawm:

1. Matthew
2. Mark
3. Luke
4. John
5. 1 Corinthians
6. 2 Corinthians
7. Galatians
8. Ephesians
9. Philippians
10. Colossians
11. 1 Timothy
12. 2 Timothy
13. Titus
14. Philemon
15. James
16. 1 John
17. 2 John
18. 3 John

Cov Tsi Tau Tav

1. Acts
2. Romans
3. 1 Thessalonians
4. 2 Thessalonians
5. Hebrews
6. 1 Peter
7. 2 Peter
8. Jude
9. Revelation

Xaav tas ibnraab xyoo ntawm 2010 nuav Kx. Nyaj Looj yuav khu tav phoo Vaajlugkub Tshab lawm. Thov ua tsaug rua mej kev thov Vaajtswv paab.

~ Nyaj Looj Yaaj

KEV Thov Vaajtswv

- Thov Vaajtswv pub rua Tais Nruag Hawj kev ua dlejnum. Nwg npaaj sab has tas xyoo 2010 nuav nwg yuav koj kuas tau 2,000 tug Moob lug ntseeg Vaajtswv. Thov Vaajtswv pub tswvyim rua nwg.
- Thov Vaajtswv pub rua cov pawg ntseeg kuas suavdlawg txawj ntseeg Vaajtswv, txawj sis hlub hab ib tug xob ua plaub rua ib tug. Ib tug yuav tau txawj zaam txim rua ib tug txhaj lawv le Vaajtswv Txujlug.
- Thov Vaajtswv pub rua cov xwbfbw kuas muaj tswvyim yuav ua Vaajtswv dlejnum paab cov pawg ntseeg hab kuas puab nojqaab nyob zoo.
- Thov Vaajtswv pub rua cov ua dlejnum huv HKM kuas puab muaj tswvyim hab muaj dlaag zug yuav ua Vaajtswv dlejnum.

Xwbfbw Tshab/Hloov

Kx. Txawj Tuam Haam su dlejnum pawg ntseeg Yuba City, CA lub 8 hlis taag hab moog ua xwbfbw rua pawg ntseeg San Diego, CA txij lub 9 hlis, 2009.

Xf. Num Xaab Vaaj kawm tav nyob Crown College lub 5 hlis hab moog ua xwbfbw rua pawg ntseeg Banning, CA txij le lub 8 hlis 2009.

Xf. David Vaaj yuav su xwbfbw hluas nyob rua pawg ntseeg The New Life Hmong Alliance Church, Milwaukee, WI lub 12 hlis xyoo nuav, tabsis tseem tsi tau paub yuav moog rua qhov twg.

Xf. Foom Yaaj kawm tav nyob Bethel Seminary hab moog ua xwbfbw hluas rua pawg ntseeg Coon Rapids Hmong Alliance Church, MN txij 12 hlis 2009.



12287 Pennsylvania St.
Thornton, CO 80241
Phone: 303-252-1793
Fax: 303-252-7911
E-Mail:
ds@hmongdistrict.org

Church Multiplication

Vajtswv tes haujlwm uas Church Multiplication (CM) ua nyob rau xyoo no muaj ob yam loj loj, xwsli *kev tsimtsa pawg ntseeg tshiab* (Church Planting) thiab *kev txhawb pawg ntseeg* (Church Revitalization). Tabsis nws muaj peb qhov uas yuav hais nyob rau daim tshabxo no txog kev txhawb pawg ntseeg xwb.

Qhov ib yog cov rooj cobqhia txog HKM qhov model uas hu ua “*A Christ-Centered Life & Ministry in the Local Church.*” Qhov model no thiab qhov teachers’ training txog kev qhia qhov model no twb muab qhia rau peb txhua pawg ntseeg tag lawm. Dua li ntawd, peb twb muab cov kev qhia no luam ua CD thiab xa rau peb txhua tus xibhwb tag lawm thiab.

Qhov ob yog cov phau ntawv uas siv rau tus model no. Cov phau ntawv tagrho yog muaj rau phau ntawv thiab ib daim CD. Peb twb npaj tau tsib phau ntawv thiab ib daim CD lawm, xwsli (1) *Lub Neej Ua Timkhawv Ntawm Tus Ntseeg*, (2) *Membership Orientation* (CD), (3) *Lub Neej Tshiab Ntawm Tus Ntseeg*, (4) *Lub Neej Lojglob Ntawm Tus Ntseeg*, thiab (5) *Lub Neej Ua Thawjcoj Ntawm Tus Ntseeg*. Nws tsuas tshuav ob phau uas tabtom sau, xwsli (1) *Lub Neej Ua Vajtswv Haujlwm Ntawm Tus Ntseeg* thiab (2) *Lub Neej Dawbhuv Ntawm Tus Ntseeg*. Cov phau ntawv uas sau tiav lawd ib phau twg yog \$5.00 thiab daim CD yog \$10 nrog rau nqi xa. Peb ib pawg ntseeg twg tsuas siv ib daim CD xwb, tabsis peb txhua tus ntseeg uas kawm twg yuav tau yuav ib leeg ib phau ntawv.

Qhov peb yog peb HKM phab CM kev npaj siab rau xyoo 2010 no. Peb yuav npaj cobqhia qhia txog theem ib ntawm qhov model uas yog qhov WINNING, tshwjkeeb yog phau ntawv *Lub Neej Ua Timkhawv* rau peb HKM cov pawg ntseeg. Peb xav tau ntau pawg ntseeg los ua sponsor rau kev cobqhia zaum no. Peb ua tsaug uas twb muaj ntau pawg ntseeg txaus siab thiab sau npe los ua sponsor lawm. Qhov haujlwm rau cov sponsor churches ces yog los teem sijhawm nrog CM thiab npaj ib co tibneeg rau peb mus tshajtag txoj Moo Zoo rau lub sijhawm peb tuaj qhia ntawd. Yog peb leejtwg txaus siab yuav ua sponsor, thov nej hu lossis e-mail rau peb CM. Peb twb kawm HKM tus model tag lawm. Yog li ntawd, thov nqua hu kom peb pib qhia thiab ua Vajtswv haujlwm li tus model txij xyoo 2010 no. Yog tshuav qhov twg tsis meej lossis xav tau tswvyim pab ntxiv, thov nej hu rau peb CM.

Dr. Tswv Txos Thoj
Church Multiplication Director

